

徵驗秘法



舌胎徵驗錄卷下

李文庭先生纂

大凡者傷寒之病診脉切要小心用藥必須大膽何也脉與舌已合一
症陰陽審之不差當用桂附則用桂附當要大黃則用大黃既以小心
審慎何必畏首畏尾但病人已危七八分要問何人做病主若主人信
任誠敬雖病危須當細心用意以調理之或可以回生也凡傷寒寒邪一
除即為病愈六脉平靜者即是邪氣已盡若六脉微洪是邪氣微
洪或冷邪或熱邪再以右尺脉分之是陰是陽又做區處方為吉兆愈
後病人必弱當用補劑養之不可亂下攻發之藥病愈後思食油

葷多忌幾日為上切不可即與食忌梳頭洗衣及出外閒遊忌房事
忌勞動哀樂憂愁思慮一切冷酸辣麵等物急宜切忌

嘗讀仲景書正言舌白胎滑並無黃黑刺裂至金鏡錄始集三十六舌圖
迨後觀舌心法廣至一百三十有七何後變症之多若此寧知傷寒自表傳
裏舌胎必由變化而滑他色伏邪瘟疫等熱毒自內達外一病便見黃黑
諸胎也觀仲景書論中一見舌色白滑胎也即為難治安知而治病者乎
仲景正言白胎已見一斑後人無先人治未病之源不得不反覆辨論若
以啓蒙至若邪氣入裏其虛實寒熱之機必觀於舌胎若胎法之
隱而不彰也况陰極格陽多有假症假脈惟驗于舌上胎色之黑黃

紅白滑燥厚薄昭然若水鑑無所遁形由是取觀舌心法正其錯誤削其繁蕪汰其無預于傷寒者而參八家大人治驗共一百二十圖命曰傷寒舌鑿此石頑老人序也

舌胎之變不獨傷寒有之襍病皆然瘟疫之症尤甚襍病觀舌又與傷寒不同襍病有紅白黃三症之分紅屬於火白屬於寒黃屬於食又屬濕遇此須要小心用藥紅舌不可用熱藥白舌不可下涼藥黃舌不可下補藥各宜慎重用之乃妙方也

傷寒分陰陽一定之法以眼與嘴唇視之若眼紅嘴唇紅焦人必以為陽症不知此乃陽出于外陰入于內也故眼紅唇紅焦右尺脈必微弱舌必有紫苔

白鼻息冷所謂陰入于內也明矣

如眼青唇青人必以為陰症不知此乃陰出于外陽入于內故眼青唇青右尺脉必洪緊喜水舌必燥而紅黑鼻息熱脚底熱是陽症陽入于內也明矣再傷寒症六七日門牙必燥黑舌必有黑胎須洗之洗去可救蓋腎氣將絕也大抵傷寒必須以忌油為要

傷寒傳經在太陽則六脉必浮洪傳在陽明則左右關尺兩脉必洪緊在少陽則左尺與右關尺必緊在太陰則六脉必浮空傳在少陰則六脉必微弱傳在厥陰則肝脉必極浮至傳裏則邪入于大腸矣於此細心分之是陽邪傳裏則右尺必洪而緊是陰邪則右尺必弱矣細心審之

傷寒一症表裏須要認得清楚切不可妄表妄裏何也仲景曰陰盛宜汗陽盛宜下陰盛陽虛汗之則宜下之則死陽盛陰虛下之則宜汗之則死何以分之左關尺浮緊者為陰盛右關尺浮緊者為陽盛陽盛舌紅黃陰盛舌白有漿以此辨之自不悞人若悞則為結胸若悞裏則變漏底

傷寒症古人以一日為太陽二日為陽明三日少陽四日太陰五日少陰六日厥陰七日傳陰表裏乃傷寒定例不可移易之法豈知世風日下今人多虛不似古人之實如患傷寒多有一患病即入少陽少陰者又何嘗分一日太陽之說所以學者遇此症切不可拘於一日太陽二日

陽明三日少陽之說以悞人惟當診其脉在何經舌有何胎而以何症
何胎主之至於輕則傷風重則傷寒傷風鼻塞傷寒必定鼻通傷
風之舌亦有黃白但傷寒之舌必有胎痕傷風則無胎滑以此觀之自
有別矣

其有按日傳經之症十中或有一二而又逆傳者亦或有之當以脉與舌
為主其順傳逆傳之症亦陰陽易判也豈必拘拘于少陽胆經少陰
心經之說是陽症脉必浮緊舌必干燥是陰症舌必滑而有漿脉必微
弱所謂熱盛則脉疾寒盛則脉遲實則有力虛則無力學者於右
尺脉中將此四句體貼一番自知傷寒之陰陽矣何必疑議紛紛而分

太陽太陰之說遊移不決哉若傷寒病再出鼻白甚好是病全愈矣

白胎總論

傷寒邪在皮毛初則舌有白沫次則白涎白滑再次白屑白
疱又有舌中舌尖舌根之不同是寒邪入經之徵甚也舌乃心
之苗心屬南方丙火當赤色今反見白色是火不能制金也初
則寒鬱皮膚毛竅不能疎通熱氣不得外泄故惡寒發熱
在太陽經則頭痛身熱項背強腰脊症傳至陽明經則有白
屑滿舌雖強然症有煩燥如脉浮緊者尤當汗之在少陽經者
則白胎白滑小柴胡湯和之胃虛者理中湯溫之如胎白色少

變黃色大柴胡湯大小承氣湯分輕重下之白胎亦有死症不可
忽視也若變至黑胎當以有漿無漿分之

以下舌胎有七十二症之論

微白淡紅滑胎舌



寒邪初入太陽頭疼身熱惡寒舌色微白有津者

蕪散羌活湯發散湯之類治之

此舌六脉浮緊洪乃太陽症也頭疼身熱小柴胡
湯主之若六脉洪重按之而無力是虛入裏少陰症
也須羌防建中湯主之

胎滑白薄



此舌乃太陽裏症之舌也二三日未曾汗故邪入丹田漸深急宜汗下之或太陽少陽合病有此舌柴胡桂枝湯主之

此舌兩尺脉必浮緊兩寸脉必浮弱兩關脉緊若不出汗將變為黃用柴胡桂枝湯得其大體若服之病不減必變黃色宜下之藥中加消食之劑治之

厚白滑胎



病三四日其邪只在太陽故胎純白而厚却不干
燥其症頭疼發熱無汗脈浮而緊宜解宜
表自得全愈

此舌其脈雖浮而緊左尺按之而疾右尺按之而
微弱解表之法固不可移但此症係是水虧
陰虛邪熱乘虛而入陰分故胎厚白治法
又此理陰却邪為主若右尺弱加附子若一二
服胎不盡除重加附子肉桂各三分治之

乾厚白胎



病四五日未經發汗邪熱漸深少有微渴
過食生冷停積胃中寒熱胃冷故此發熱
煩燥四肢逆冷而胎白干厚滿口白屑用四
逆散加干姜

此舌照前舌治之更好若不愈用獨陰湯未有
不愈者獨陰湯 熟地四兩 或半斤 獨一味 濃
煎臨時入姜汗一盃陰轉自愈若右尺脉微
弱加附子一二分治之

白胎黃邊



舌中見白胎外有微黃者必作泄宜用解毒湯惡寒者用五靈散主之此舌兩尺洪痰左右寸關四脉浮照生治法最妥

紅黑邊兩紅中



此是水虧極邪火盛勁凌心火心現干紅君退
 位之象也不急救君則臣奪君矣急用黃連
 附子湯治之

此舌左寸脉浮洪右尺脉浮緊按之上右寸關因
 尺脉浮緊數亦因之而浮洪不急瀉其心中之
 虛大相火何由得乎乎或用理陰煎加焦柏治

白滑胎光灰刺



此陽明腑兼少陽舌三四日自利脉沉者生脉散
弦數者死如有宿食用大承氣湯亦可全二三

此舌六脉俱微沉又當細心分左右尺脉疾遲有
漿無漿有漿者陰無漿者陽陰陽自明
矣是陰以陽藥投之是陽以陰藥投之自
不誤人若肝脉一吸一息一至又四五吸不至者
不治無漿用理陰湯加焦黃柏有漿理陰
湯加附子治之

白邊中黑



白胎滿黑刺干



白胎中滿生干芒刺乃少陽之裏症也不惡寒
 反惡熱者大柴胡湯加芒硝急下之然亦急下
 之乃急症也無漿理中湯加熟軍枳實下之有
 漿理中湯附子治之

白胎中黑為表邪入裏之症大熱譫語承氣
 湯下之倘食後發熱或刺不止者此症難治

胎白邊半



白胎見于一邊勿論左右皆屬半表半裏兼
宜小柴胡湯左右干葛又加茯苓有咳嗽引
脇下疼而見此舌小青新湯夏月多汗自利
用人參白朮湯治之

此舌六脉輕按之浮洪重按之微弱乃感寒症周
身骨節疼痛治法宜去寒而用羌防建中湯
一二服愈古人以為火症用柴胡湯今人即是寒
症切不可用小柴胡湯